



**Quæstionum Canonicarum, In Quinque Libros
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur
De Judiciis, Foro Competenti, Libelli Oblatione, Mutuis petitionibus, ...

Krimer, Ferdinand

Augustæ Vindelicorum, 1708

Articulus IV. Quis confirmare possit?

[urn:nbn:de:hbz:466:1-73001](#)

ARTICULUS IV.

Quis confirmare possit?

3044. **R**esponsio ad hanc questionem videatur colligi ex definitione confirmationis in n. 3004. ibi : *per legitimum Superiorem facta*; et ratio est, quia, si non a solo Superiore fieri deberet, ex eo faret, quia etiam fieri posset vel ab inferiore; vel à pari; neutrum autem dici potest; *non primum*; ut colligitur ex c. *Inferior.* 4. distin. 21. ubi Nicolaus Papa scribens ad Michaëlem Imperatorem, ait. *inferior sedes, Superiorem absolvere non potest.* Sola ergo potior inferiorem convenienter absolvit. Hinc liquidò pervidetur, quia, quem non potest absolvire, non potest, *judicio inferior, potiorem ligare.* Unde Propheta ait (*Nunquid gloriabitur securis contra eum, qui fecerat in ea?* aut exaltabitur terra contra eum, qui trahit eam) His ita ex divina scriptura, & probabilium Patrum doctrina commemoratis, sole clarus exhibuimus, non posse quemquam, qui minoris auctoritatis est, cum, qui majoris potestatis est, judiciis suis addicere, aut propriis definitionibus subjugare: & c. cùm *inferior* 16. de majoritate, & obed. ubi Gregorius IX. Archiepiscopo Colocensi; cùm *inferior*, inquit, *Superiorem solvere nequeat vel ligare; sed Superior inferiorem liget regulariter & absolvat, & satis absonum videatur, ut filius potestatem habeat in parentem: miramur, quod, cùm tu Monasterium de Cheur. constitutum in Tirmense Archidiaconatu tue diœcesis, in Ecclesiam erexeris Cathedram: Archidiaconus Firmiensis in tantam prorupit temeritatis audaciam, ut in Episcopum ibi consecratum, & Ecclesiam, suam jurisdictionem exercere præsumat. Mandamus, quatenus præfato Archidiacono, à cuius jurisdictione dictum Episcopum denuntiamus exemplum, id districte studeas inhibere; provisotamen, ut, si ex hoc Archidiaconi firmieni: jura lœduntur, indiccesi tua (ubi expedire videris) absque alieni juris præjudicio, recompensationem illi facias congruentem.*

3045. Sed nec dici potest secundum? quia par in parem non habet jurisdictionem

nem per c. *innovuit* 20. §. quamvis de Elect. ubi Innocentius III. non obstante decreto Alexandri III. in Concil. Lateran. quo voluit *electionem illegitimi*, nullam esse, contrarium admisit, rationem reddit; *quia Successori, per Antecessorem in Pontificatu, non adempta fuit dispensandi facultas; cùm non fuerit prohibentis intentio, qui Successoribus suis nullum potuit in hac parte prejudicium generare, pari potestate (imò cùdem) potestate futuris; cùm non habeat imperium par in parem.* Et ratio est, ut diximus præced. num: quia confirmatio ex sua natura petit fieri *per Superiorem*; ideo confirmatio Concilii generalis petitur à Summo Pontifice, ut constat, & quidem ex eo fine, quia confirmatio à Superiore petenda est. L. si quos 59. C. de Decurionibus, cuius Rubrica, summam nigri, seu textū exhibens expreſſe habet, *Superiorem teneri confirmare electionem factam, ab inferioribus intellige, si canonica sit.*

Dices: in c. *Studisti*, de Officio Legati, Legatus *confirmat* sententiam Judicis delegati, qui in causa sibi commissa major est quocunque Ordinario, c. *sane*, de offic. deleg: & in c. i. de Treuga, & pace: ubi unus Episcopus *confirmat* sententiam alterius Episcopi: & in c. i. de locato, constitutionem unius Legati alter *confirmat*. Resp. in cit. juribus, ut notat Glossa in c. *Studisti*, V. *confirmare*, & dicit c. i. de treuga, V. *confirmet*, confirmationem accipi latè, ac impropriè pro sola approbatione, seu *ratificatione*; non autem propriè, ac strictè, pro additione roboris majoris, de cuius effectu dicemus à n. seq.; & ita tenent Felinus, & Hostiensis in c. i. de Locato. Nec enim potestas unius ad amplius porrigitur, quam ei concessum sit; unde, si conferatur cum altero paris potestatis, sicut iste actui à se gesto, sic alter paris potestatis, non poterit conferre majus robur.

ARTICULUS V.

De effectu confirmationis.

A nte resolutionem not. duplicitè peti 3046. posse à Superiore confirmationem eorum, quæ ab inferioribus gesta sunt; primo, quando ejus consensus confirmatorius